

गुरुसा मारो अबकोडो जन्म सुधारो,

श्लोक :- सतगुरु दीवो नाम रो,
तो क्या जाने संसार ।
घिरत सिचावो प्रेम रो,
वीरा उतारो भवजल पार ॥

कोण भुलुला गुण थारो ओ,
गुरुसा मारो अबकोडो जन्म सुधारो ।

लख चौरासी में घणो दुःख देखियो,
धर धर पशु अवतारो ।
धुप छाव में तो चही घनेरी,
ओ दुख परो रे निवारो ।
गुरुसा मारो अबकोडो जन्म सुधारो,
कोण भुलुला गुण थारो ओ,
गुरुसा मारो अबकोडो जन्म सुधारो ॥

गुरु बिन सहाय करे कौन जीवरी,
तीर्थ फिरो हजारो ।
वैकुंठासु पासा भेजिया,
नारद सुखदेव प्यारो ।
गुरुसा मारो अबकोडो जन्म सुधारो
कोण भुलुला गुण थारो ओ,
गुरुसा मारो अबकोडो जन्म सुधारो ॥

गुरु बिन ग्यान ध्यान सब जुठो,
जुठो जी जग संसारो ।
पति बिन नार कैसो पद पावे,
कैसे विधवा रो सिंगारो ।
गुरुसा मारो अबकोडो जन्म सुधारो ।
कोण भुलुला गुण थारो ओ,
गुरुसा मारो अबकोडो जनम सुधारो ॥

राम मिलन री राह बतावो,
मेटो भूम अंधेरो ।
आप गुरुसा म्हारा पर उपकारी,
अवगुण परो रे निवारो ॥
गुरुसा मारो अबकोडो जन्म सुधारो ।
कोण भुलुला गुण थारो ओ,
गुरुसा मारो अबकोडो जनम सुधारो ॥

बार बार म्हारी आई विनती,
वैगी सुनो जी पुकारो ।
दास केवल पर कृपा कीजो,
सर पर पंजो रालो ।
गुरुसा मारो अबकोडो जन्म सुधारो ।
कोण भुलुला गुण थारो ओ,
गुरुसा मारो अबकोडो जनम सुधारो ॥

कोण भुलुला गुण थारो ओ,
गुरुसा मारो अबकोडो जनम सुधारो ॥

Singer : Mahendra Singh Rathore

Submitted By : Shравan Singh Rajpurohit

Source: <https://www.bharattemples.com/gurusa-mar0-abkodo-janam-sudharo/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>